

Script of Morning Gojri News Bulletin 08 February 2026 at 1015Hrs

مارننگ گو جری نیوز بلیٹن مورخہ 08 فروری 2026

یوہ آکا شوانی جموں ہے محمد امین انجم تیں خبر سنو۔

HM Hydro

جموں کشمیر مانہ پن بجلی پروجیکٹاں غی پوری صلاحیت استعمال کرن غی ضرورت اُجاگر کرتاں واں مرکزی وزیر داخلہ امت شاہ نے یوٹی مانہ چل رہیا ترقیاتی پروجیکٹاں غی پیش رفت غو جائزہ لیو۔ لوک بھون مانہ اپنا 3 روزہ جموں دورہ غے اخیرری تیارڑے اک اعلیٰ سطحی میٹنگ غی صدارت کرتاں واں اُنہاں نے کہیو جے وزیر اعظم نریندر مودی غی قیادت غے تحت مرکز جموں کشمیر نانہ ترقی یافتہ تے خوشحال بنان غا نظریہ غو مضبوطی نال وعدہ غو پایند ہے۔ میٹنگ مانہ لیفٹنٹ گورنر منوج سنہا، وزیر اعلیٰ عمر عبداللہ، مرکزی داخلہ سیکریٹری گوویند موہن، چیف سیکریٹری اتل دلو تے ڈی جی پی نلن پرہات نے وی شرکت کی۔

Revenue Gen

سرکار نے کل موجودہ شراب غی دکاناں تیں پچھلا 2 مالی بہراں غے دوران پیدا ہون آلی آمدن ضلع وار طریقہ نال پیش کرتاں واں اس مانہ مستحکم باندو سانجھو کیو۔ اعداد و شمار غے مطابق جموں ضلعو سال 24/2023 مانہ 48 ہزار 3 سو 50 اشاریہ 15 لکھ روپیاں غی آمدن نال اگے رہیو، تے اس راہ یاہ آمدن مالی سال 25/2024 مانہ بدھ غے 50 ہزار 9 سو 13 اشاریہ 93 لکھ روپیہ ہو گئی۔ اس سلسلہ مانہ اُدھم پور، کٹھوعہ، سانبہ، ریا سی، ڈوڈہ، کشتواڑ، رام بن، راجوری تے پونچھ مانہ وی مذکورہ دوہاں مالی بہراں مانہ شراب غی دکاناں تیں مسلسل طور ور آمدن مانہ باندو درج کیو گیو ہے۔ اس ضمن مانہ جانکاری نیشنل کانسفرنس جماعت غا ممبر اسمبلی ارجن سنگھ راجو غی طرفوں پُچھیا گیا سوال غا جواب مانہ محکمہ خزانہ غی طرفوں دتی گئی ہے۔ ممبر اسمبلی نے سوال کیو تھو جے کیا آتا سالانہ مانہ شراب غی دکاناں واسطے نواں لائسنس دین غو کو ئی منصوبہ ہے یاہ نہیں۔

US India Map

جس راہ جے نویں دہلی تے واشنگٹن نے تجارت بارے دو طرفہ عبوری اقرار نامہ غی تفصیل غو اعلان کیو، بھارت غو اک نقشو امریکی تجارتی نمائنداں غا دفتر غی طرفوں کل جاری کیو گیو، جس نے توجہ مبذول کرائی ہے۔ یوہ نقشو امریکی تجارتی نمائندہ غی طرفوں سوشل میڈیا ور پوسٹ کیو گیو ہے۔ جس مانہ بشمول پاکستانی مقبوضہ کشمیر پورا جموں کشمیر خطہ نانہ بھارت غو علاقو دسیو گیو ہے۔ اسے راہ اکسائے چن خطو جس ور چین داعو کرے وہ وی بھارت غو علاقو دسیو گیو ہے۔ اس تیں پہلاں گا موقعان ور بھارت غا نقشان مانہ پی او کے تے اکسائے چن خطو دسیو گیو تھو۔ لیکن یو ایس ٹی آر غی طرفوں جاری بھارت غا نقشہ مانہ پورو جموں کشمیر دسیو گیو ہے، جس مانہ مذکورہ دوئے علاقہ بھارت غا لازمی حصہ دسیا گیا ہیں۔

Rajouri Op Sindoor

فوجی عملہ بارے چیف آف آرمی سٹاف جنرل اپندرہ دیو دویدی نے اوپریشن سندور غے ویلے راجوری ضلع انتظامیہ غی طرفوں سول فوجی ہم آہنگی بارے اک معیار قائم کرن واسطے تعریف کی ہے۔ اس سلسلہ مانہ ڈپٹی کمشنر راجوری ابھیشیک شرمانہ نمایاں قیادت تے موثر سول فوجی تال میل واسطے انعام دتو گیو۔ ڈی وائی ایس پی اپریشنز شمی کمار غی وی کا روائی غے دوران مثال کردار ادا کرن واسطے سی او اے ایس غی طرفوں تعریف کی گئی ہے۔

JK Tourism

5 فروری تیں 7 فروری بشکار جیو عالمی کنونشن مرکز ممبئی مانہ منعقد اوٹی ایم 2026 مانہ جموں کشمیر سیاحت نانہ بہترین ایڈونچر سیاحتی مقام غا طور چنیو گیو ہے۔ جموں کشمیر محکمہ سیاحت غی طرفوں اس تقریب مانہ یوٹی نانہ سفر بارے اک عالمی منزل غے طور باندو دین تے اس غی وسیع صلاحیت نانہ آجاگر کرن واسطے حصول گیو۔ ایشیا غی سربراہی سفر تجارت نمائش اوٹی ایم 2026 عالمی سیاحت متعلقین نانہ اکٹھو کیو تے سرمایہ کاری متوجہ کرن واسطے جموں کشمیر نانہ اک بڑی تھار غے طور ور پیش کیو۔

Sarthal Winter Festival

ضلع کٹھوعہ مانہ اج سرمائی سرتھل میلو منایو جارہیو ہے۔ یوہ میلو محکمہ سیاحت غے نال ضلع انتظامیہ کٹھوعہ اور بنی بسوبلی ڈولپمنٹ اتھارٹی غا تعاون نال منعقد کیو جا رہیو ہے۔ جس غو مقصد سیاحت نانہ باندو دینو ہے۔

اس غے نال ہی خبراں غو یوہ بلیٹن ختم ہوؤ۔